

詞林紀事

卷三之卷十五

詞林紀事卷十二

宋十

海鹽 張宗櫛

緝

張 鎡

鎡字功甫號約齋西秦人居臨安循王諸孫官奉議郎直秘閣有南湖集玉照堂詞一卷

楊誠齋贊功甫像香火齋祓伊蒲文物一何佛也襟帶詩書步武瑤琨又何儒也門有朱履坐有桃李一何佳公子也冰茹雪食凋碎月魄又何窮詩客也約齋子方內與方外與風流與窮愁與老夫不知君其問之白鷗

齊東野語張約齋能詩一時名士大夫莫不交游其園地聲妓服玩之麗甲天下嘗於南湖園作駕霄亭於四古松間以巨鐵絙懸之半空而羈之松身當風月清夜與客梯登之飄搖雲表真有挾飛仙邇紫清之意王簡卿侍郎嘗赴其牡丹會云衆賓既集坐一虛堂寂無所有俄問左右云香已發未荅云已發命捲簾則異香自內出郁然滿坐羣妓以酒肴絲竹次第而至別有名姬十輩皆衣白凡首飾衣領皆牡丹首帶照殿紅一妓執板奏歌侑觴歌罷樂作乃退復垂簾談論

自如良久香起捲簾如前別十姬易服與花而出大抵簪白
花則衣紫紫花則衣鶯黃黃花則衣紅如是十盃衣與花凡
十易所謳者皆前輩牡丹名詞酒竟歌者樂者無慮百數十
人列行送客燭光香霧歌吹雜作客皆恍然如仙游也
紫桃軒雜綴張功甫豪侈而有清尚嘗來吾郡海鹽作園亭
自恣令歌兒衍曲務爲新聲所謂海鹽腔也

木蘭花

甲寅三月中澣邀樓大防陳君舉中書兩舍人黃文
叔待制彭子壽右史黃子由匹監沈應先大著過桂
隱卽席作

清明初過後正空翠靄晴鮮念水際樓臺城隅花柳春
意無邊清明自多暇日看聯鑣飛蓋擁羣賢朱邸橫經
滿座紫微淵思如泉高情那更屬雲天語笑雜歌絃
向啼鴂聲中落紅影裏忍負芳年浮生轉頭是夢恐他

時高會却難全。快吐淋漓醉墨。要令海內喧傳。

武林舊事。約齋桂隱百果。淳熙丁未秋。余舍所
居爲梵刹。爰命桂隱堂館橋池諸名。逮慶元庚
申。歷十有四年之久。移徙更葺。規模始全。綱舉
而言之。東寺爲報上嚴先之地。西宅爲安身攜
幼之所。南湖則管領風月。北園則娛宴賓親。亦
葺神居植福。以資淨業也。約齋晝處觀書。以助
老學也。至於暘懷林泉。登賞吟嘯。則又有衆妙
峯山。包羅幽曠。於前六者之間。區區安身嗜靜
之志。造物亦不相負矣。壬戌仲夏。張鑑功甫書。

櫛按張功甫園在南湖。卽今城北白洋池也。

燭影搖紅

燈夕玉照堂梅花盛開

宿雨初乾。舞梢煙瘦。金絲裊嫩。雲扶日。做新晴。舊碧尋芳草。幽徑蘭芽尙小。怪今年春歸太早。柳塘花院。萬朶紅蓮。一宵開了。梅雪翻空。忍教空對東風老。粉圍香陣。擁詩仙。戰退春寒峭。現樂歌彈鬧曉。宴親賓。團樂同笑。醉歸時候。月過珠樓。參橫蓬島。

原注柳塘花院現樂皆家中堂名也

齊東野語。張約齋玉照堂自序。梅花爲天下神奇。而詩人尤所酷好。淳熙歲乙巳。予得曹氏荒圃於南湖之濱。有古梅數十。散漫弗治。爰輟地十畝。移種成列。增取西湖北山別圃紅梅。合三百餘本。築堂數間。以臨之。又挾以兩室。東植千

葉綳梅西植紅梅各一二十章前爲軒楹如堂
之數花時居宿其中環潔輝映夜如對月因名
曰玉照復開澗環繞小舟往來未始半月捨去
自是客有游桂隱者必求觀焉頃者太保周益
公秉釣予嘗造東閣坐定首顧予曰一棹徑穿
花十里滿城無此好風光蓋予舊詩尾句衆客
相與歆艷於是游玉照者又必求觀焉值春凝
寒又能畱花過孟月始盛名人才士題咏層委
亦可謂不負此花矣但花艷並秀非天時清美
不宜又標韻孤特若三閭大夫首陽二子寧槁
山澤終不冑頰首屏氣受世俗湔拂間有身親

貌悅而此心落落不相領會。甚至于污褻附近。
畧不自揆者。花雖眷客。然我輩胸中空洞。幾爲
花呼咷稱冤。不特三嘆屢嘆。不一嘆而足也。因
審其性情。思所以爲獎護之策。凡數月。乃得之。
今疏花宜稱憎疾。榮寵屈辱四事。總五十八條。
揭之堂上。使來者有所警省。且示人徒知梅花
之貴。而不能愛敬也。使予與之言。傳聞流誦。亦
將有愧色云。紹興甲寅人日。約齋居士書。花

宜稱

凡二十六條

澹陰曉日。薄寒細雨。輕烟佳月。

夕陽微雪。晚霞珍禽。孤鶴清溪。小橋竹邊松下。
明窗疎籬。蒼厓綠苔。銅餅紙帳。林間吹笛。膝上

橫琴石枰下碁掃雪煎茶美人澹妝簪戴花

憎嫉

凡十四條

狂風連雨烈日苦寒醜婦俗子老

鴟惡詩談時事論差除花徑喝道對花張緋縹

賞花動鼓板作詩用調羹驛使事花榮寵

凡六

條

烟塵不染鈴索護持除地鏡淨落瓣不溜主

人旦夕畱盼詩人閣筆評量妙妓淡妝雅歌

花屈辱

凡十二條

主人不好事主人慳鄙種富家

園內與麤婢命名蟠結作屏賞花命猥妓庸僧

窗下種酒食店內插餅樹下有狗屎枝下聯衣

裳青紙屏粉畫生猥巷穢溝邊

念奴嬌

宜雨庭咏千葉海棠

綠雲影裏把明霞。織就千里文繡。紫膩紅嬌扶不起。好
是未開時候。半怯春寒。半便晴色。養得胭脂透。小亭人
靜。嫩鶯啼破春晝。猶記攜手芳陰。一枝斜戴。嬌艷波
雙秀。小語輕憐。花總見爭得似花長久。醉淺休歸。夜深
同睡。明日還相守。免教春去。斷腸空嘆詩瘦。

補按楊誠齋集觀張功甫園中海棠有約齋抄出春風手人
在中央花四旁之句

昭君怨

園池夜泛

月在碧虛中住。人向亂荷中去。花氣雜風涼。滿船香
雲被歌聲搖動。酒被詩情掇送。醉裏臥花心。擁紅衾。

補按武林舊事張約齋桂隱百果在南湖有閨春堂牡丹芍
藥羣仙繪幅樓前後十一間下臨丹桂五六十株盡見江湖
諸山玉照堂梅花四百株蒼寒堂二百株艷香館雜春花百
餘株碧宇修竹十畝味空亭螭梅蕊珠洞茶蘼二十五株芙

蓉池紅蓮十畝四面種芙蓉珍林雜果綠畫軒木犀臨砌書
葉軒柿二十株餐霞軒櫻桃三十餘株楚佩亭蘭宜雨亭千
葉海棠二十株夾流水滿霜亭橘五十餘株此外亭臺尙多
不具錄

滿庭芳

促織

月洗高梧露溥幽草寶釵樓外秋深土花浴翠螢火墜
墻陰靜聽寒聲斷續微韻轉淒咽悲沉爭求侶殷勤勸
織促破曉機心兒時曾記得呼燈灌穴斂步隨音任
滿身花影猶自追尋攜向畫堂試鬪亭臺小籠巧裝金
今休說從渠牀下涼夜聽孤吟

周草窗云詠物之入神者

櫺按天寶遺事每秋時宮中妃妾皆以小金籠閉蟋蟀置枕
函畔夜聽其聲民間爭効之又按蟋蟀經二卷相傳賈秋壑
所輯文詞頗雅馴有更籌帷幄選將登場諸語余兄兩巖研
古樓所藏舊鈔本甚堪愛玩惜徽藩芸窗道人繪畫冊已付
之雲烟過眼錄矣

曾覲

覲字純甫號海野老農汴人紹興中以寄班祗
候與龍大淵同爲建王內知客孝宗受禪以潛
邸舊人除權知閤門事淳熙中除開府儀同三
司加少保醴泉觀使有海野詞

老學菴筆記曾純甫偶歸正官蕭鷓巴來謁既退復一客至
其所狎也因問曰蕭鷓巴可對何人客曰正可對曾鷓脯覲
以爲嫚已大怒與之絕

貴耳集思陵偶持一扇迺祐陵御筆畫林檎花上一鸚鵡令
曾覲進詩云玉輦宸遊事已空尙餘奎藻繪春風年年花鳥
無窮恨盡在蒼梧夕照中感動出涕程史所載康與之非也
思陵又嘗使御前畫工寫曾海野喜容帶牡丹一枝命呂本
中作贊云一枝國艷兩鬢春風思陵大喜

齊東野語孝宗內宴酒酣內人以帕子從曾覲乞詞
王弁州云曾覲張掄輩應制之作志在鋪張故多雄麗
蒿廬師云海野東都故老詞多感慨惜其人無足稱

金人捧露盤

庚寅春奉使過京師感懷作

記神京繁華地。舊游踪。正御溝春水溶溶。平康巷陌。繡鞍金勒。躍青驄。解衣沽酒。醉絃管。柳綠花紅。到如今。餘霜鬢。嗟前事。夢魂中。但寒烟滿目。飛蓬。雕闌玉砌。空餘三十六離宮。塞笳驚起暮天鴈。寂寞東風。

憶秦娥

邯鄲道上

風蕭瑟。邯鄲古道傷行客。傷行客。繁華一瞬。不堪思憶。鼓臺歌舞無消息。金尊玉管空陳迹。空陳迹。連天草樹。暮雲凝碧。

黃花葦云。純甫東都故老。及見中興之盛者。詞多感慨。如金人捧露盤。憶秦娥等曲。悽然有黍離之感。

阮郎歸

柳陰亭院占風光。呢喃春晝長。碧波新漲小池塘。雙雙蹴水忙。萍散漫，絮飄揚。輕盈體態狂。爲憐流去落紅香。銜將歸畫梁。

武林舊事乾道三年三月初十日南內遣閤長至德壽宮奏知連日天氣甚好欲一二日間恭邀車駕幸聚景園看花取自聖意選定一日太上云傳語官家備見聖孝但頻頻出去不惟費用又且勞動多少人本宮後園亦有幾株好花不若來日請官家過來閑看遂遣提舉官同到南內奏過遵依訖次日進早膳後車駕與皇后太子過宮起居二殿訖先至燦錦亭進茶宣召

吳郡王曾兩府以下六員侍宴同至後苑看花
回至清妍亭看茶蘼就登御舟繞堤閑游太上
倚闌閑看適有雙燕掠水飛過傳旨令曾覲製
詞遂賦進阮郎歸云云既登舟知閣張掄進柳
梢青一闕覲亦有和詞各有宣賜

柳梢青

桃靨紅勻梨腮粉薄鴛徑無塵鳳閣凌虛龍池澄碧芳
意鱗鱗清時酒聖化神看內苑風光又新一部仙韶
九重鸞仗天上長春

壺中天慢

素飈颺碧看天衢穩送一輪明月翠水瀛壺人不到比

似世間秋別。玉手瑤笙。一時同色。小按霓裳。疊天津橋上。有人偷記新闕。當日誰幻銀橋。阿瞞兒戲。一笑成癡絕。宵信羣仙高宴處。移下水晶宮闕。雲海塵清。山河影滿。桂冷吹香雪。何勞玉斧。金甌千古無缺。

武林舊事淳熙九年八月十五日駕過德壽宮起居太上畱坐至樂堂進早膳畢命小內侍進絳竿垂釣太上曰今日中秋天氣甚清夜間必有好月色可少畱看月了去上恭領聖旨晚宴香遠堂堂東有萬歲橋長六丈餘並用吳璘進到玉石甃成四畔雕鏤闌檻瑩徹可愛橋中心作四面亭用新羅白欒木蓋造極爲雅潔大池

十餘畝皆是千葉白蓮凡御榻御屏酒器香奩
器用並用水晶南岸列女童五十人奏清樂北
岸芙蓉岡一帶並是教坊工近二百人待月初
上簫韶齊舉縹緲相應如在霄漢旣入座樂少
止太上召小劉貴妃獨吹白玉笙霓裳中序上
自起執玉杯奉兩殿酒并以壘金嵌寶注椀杯
杓等賜貴妃侍宴官開府曾覲恭上壺中天慢
一首太上喜曰從來月詞不曾用金甌事可謂
新奇賜金束帶紫番羅水晶注椀一副上亦賜
寶盞古香至一更五點還內是夜隔江西興亦
聞天樂之聲

盧祖臯

祖臯字申之。又字次夔。號蒲江。永嘉人。慶元五年進士。爲軍器少監。嘉定十四年。權直學士院。有蒲江詞。

東嘉姓譜。盧申之。嘉定中以軍器少監直北門。屬時慶澤孔殷。綸言。沓布臯抒思泉湧。號爲稱職。俄卒於官。工樂府。江浙間多歌之。

貴耳集。蒲江貌宇修整。作小詞纖雅。

黃花菴云。蒲江樓攻媿之甥。趙紫芝翁靈舒之詩友。樂章甚工。字字可入律呂。

烏夜啼

柳色津頭泣綠。桃花渡口啼紅。一春又負西湖醉。離恨雨聲中。客袂迢迢西塞。餘寒剪剪東風。誰家拂水飛來燕。惆悵小樓空。